

ओ मावडी बिलाड़ा नगरी में,
थारो बेसनो ।

दोहा :बिलाडो बली राज रो,
जटे माँ आईजी रो धाम,
गंगा बह रही गोखे,
बीरा नितरा करो रे स्नान ।
भादरवा री बीज ने तो,
हुआ दो अवतार,
एक रूनीचे रामदेव,
बीजा अम्बापुर आई मात ।

ओ मावडी बिलाड़ा नगरी में,
थारो बेसनो,
ओ मावडी बिलाड़ा नगरी में,
थारो बेसनो,
ओ थारा टाबरीया जोवे,
ओ थारी बाट,
आवेनी बिलाड़ा री मात,
पधारे नी मारे आंगने ॥

ए माजी कठे जायाने कठे उपज्या,
ए माजी कठे जायाने कठे उपज्या,
ए माजी कठोडा मे लियो अवतार,
बिलाड़ा वाली माँ,

आवोनी मारे आंगने ॥

ए माजी कोठा जायाने बूटी उपज्या,
ए माजी कोठा जायाने बूटी उपज्या,
ओ माजी बिलाडा मे लियो विश्राम,
आ जीजी मारी मात,
पधारेनी मारे आंगने ॥

ओ माजी आवोनी पधारो मारे आंगने,
ओ माजी आवोनी पधारो मारे आंगने,
ए माडी सीरवी कुल तो जोवे थारी बाट,
आवेनी आईमात,
राखेनी मारी लाज,
पधारो नी मारे आंगने ॥

ओ माजी अम्बापुर सु देखो बीरा चालीया,
ओ माजी अम्बापुर सु थेतो बीरा चालीया,
अरे एतो आया आया नारलाई रे माय,
ए अखण्ड जगाई माँ,
ए जोत जगाई माँ,
पधारो मारे आंगने ॥

ए माजी नारलाई सु देखो बीरा चालीया,
ओ माजी नारलाई सु थेतो माजी चालीया,
अरे एतो आया आया डायलाणा रे माय,
हलीया रो बडलो बनाय,
आ करदी ठंडी छाव,

बिलाड़ा वाली मावडी ॥

ए माजी भेसाणा नगरी मायने आविया,
ए माजी भेसाणा नगरी रे माई आविया,
ए माँ भैसो रा जटे,
पत्थर बनाय,
आवोनी मारे आंगने ॥

ए माजी सोजत री नगरी रे मायने आविया,
ओ माजी सोजत री नगरी में थेतो आविया,
ए जटे मालन ने,
सोने रो बाग बनाय,
आ करदी ठंडी छाव,
आवोनी मारे आंगने ॥

ओ माजी बिलाड़ा नगरी रे मायने आविया,
ओ माजी बिलाड़ा नगरी रे माई आविया,
जटे सुतो वेतो रे,
जीवन आविया,
जटे सुतो वेतो रे,
जीवन आविगा,
ए थाने जीजी बाई,
बुलाने थाने आज,
आवेनी जीवन आज,
पधारे नी मारे आंगने ॥

ए माजी भगा रे बाबा री सुनजो विनती,

ओ माजी भगा रे बाबा री सुनजो विनती,
ए थारा भगत गावे ओ गुण गान,
आवोनी बिलाड़ा री मात,
पधारो नी मारे आंगने ।।

गायक मुकेश जी नायक ।
प्रेषक मनीष सीरवी
9640557818

Source: <https://www.bharattemples.com/o-mawadi-bilada-nagri-me-tharo-besno/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>